- P. 37. L. -7【三十四心斷正使習氣】三藏教菩薩,扶惑潤生,歷劫具修六度梵 行,饒益有情。最後至於菩提樹下,一念相應慧,發真無漏之時,以八忍、八 智(十六心)、九無礙、九解脫(十八心),頓斷見、思習氣,而成正覺。故 云三十四心斷結也。~《三藏法數》【八忍八智】見道十六心。觀四諦,而生 無漏之忍、智,各有八種。前四者忍可印證欲界之四諦,即苦法忍、集法忍、 滅法忍、道法忍等四法忍;後四者忍可印證色界、無色界之四諦,即苦類忍、 集類忍、滅類忍、道類忍等四類忍。以此八忍正斷三界之見惑,故為無間道。 見惑既斷,觀照分明,則為八智,即苦法智、集法智、滅法智、道法智、苦類 智、集類智、滅類智、道類智等,是為解脫道。忍者智之因,智者忍之果。八 忍八智斷見惑,見道證初果。二、三果修道,九無礙、九解脫斷思惑,證四果 羅漢。三界共九地,每斷一地之思惑,皆分無間道、解脫道之二種;正斷惑之 位, 曰無間(無礙)道; 既斷惑已得解脫之位, 謂之解脫道。謂觀真智理時, 不為惑所間隔障礙,煩惱與擇滅間更無間隔,故稱無間。~《佛光大辭典》《大方 廣佛華嚴經隨疏演義鈔》卷82〈38 離世間品〉:「智論云:聲聞智慧力弱, 如小火燒木,雖然,猶有炭在。緣覺智力強,如大火燒木。木然炭盡,餘有灰 在。諸佛智力,大如劫火,炭灰俱盡。亦如兔馬等喻。」」(T36, p. 646a17-21)
- P. 37, L. -7【總相別相】《法華文句記》卷 1〈釋序品〉:「總相別相者,總謂無非無常,別即觀四念處,謂三界繫及四聖諦,此別莫不皆觀無常。」(T34, p. 163, a17-19)《大乘本生心地觀經淺註》卷 5〈十別解文義·阿蘭若品第五〉:「一切法有二種相。一者總相。二者別相。總相生滅不住。本無今有。已有還無。皆是無常。二者別相。如地有堅相。水有濕相。火有煖相。風有動相。」(X21, p. 51 a9-10)《大智度論》卷 84〈70 三慧品〉:「聲聞、辟支佛總相智知,皆是無常、苦、空、無我等。」(T25, p. 649a5)一切法皆無常、苦、空、無我→總相。四念處:觀身、受、心、法→不淨、苦、無常、無我。
- P. 37, L. -6【尊特身】尊崇奇特之報身。四教儀集註卷上謂,梵語盧舍那,亦名尊特。報身為酬報因位願行之佛身,為法、報、應三身中之第二。此尊特報身原居於實報土,具有十蓮華藏世界海微塵數之相好圓滿廣大身形,然於娑婆世界出現之應身上,現起其尊特身。如華嚴會座之教主盧舍那身,係對別圓二教之頓大根機而特現之尊特身,故稱須現尊特身。相對於此,法華會座中,小機純熟,對於丈六三十二相之應身,直接感見尊特身,稱為不須現尊特身。~《佛光大辭典》

- P. 37, L. -6【一念相應。斷餘殘習】《天台四教儀》卷 1:通教「十佛地。機緣若熟。以一念相應慧。頓斷殘習。坐七寶菩提樹下。以天衣為座。現帶劣勝應身成佛。」(T46, p. 777, c23-25)《四教儀註彙補輔宏記》卷 7:「一念相應者。眾生機緣既熟。即一念空慧與無生理相應。習盡成佛。妙玄云。藏佛,因伏果斷。通佛,因果俱斷。」「頓斷殘習者。觀音玄記下(五)云。前斷正使。今侵二習。至於佛地。見思習盡,真諦究竟。塵沙習盡,俗諦究竟。此菩薩從已辦地(7地)。留習潤生。用慈悲道與真空觀。雙行化物。造到佛位。頓斷殘習也。」(X57, p. 881, a23-b3)「道觀雙流」:慈悲道與真空觀。道,教化他人之化道;觀,自觀空理之觀法。利他之化道與自利之觀法同時並行,稱為道觀雙流。~《佛光大辭典》
- P. 37, L. -5【別佛】《教觀綱宗》卷1:別教「究竟即佛者。妙覺性也(妙極覺滿)從金剛後心。更破一品無明。入妙覺位。坐蓮華藏世界。七寶菩提樹下。大寶華王座。現圓滿報身(量同塵剎。相好剎塵)為鈍根菩薩。轉無量四諦法輪。」(T46, p. 941, a6-9)【蓮華臺】蓮華藏世界,《華嚴經》與《梵網經》對於蓮華藏世界之相狀,說法有異。《華嚴經》說:華藏莊嚴世界海;《梵網經》說:蓮華臺藏世界海。盧舍那佛為此世界之本源,趺坐於蓮花臺上。此蓮華臺藏世界係由千葉之大蓮花所成,每一葉中有一世界,其中復各有百億之須彌山、四天下、南閻浮提。由盧舍那佛自身變化出千釋迦,各據於千葉之世界;千釋迦復各化出百億之菩薩釋迦,各坐於南閻浮提菩提樹下宣說菩薩之心地法門。~《佛光大辭典》
- P. 37, L. -4【圓佛】《法華文句記》卷 1〈釋序品〉:「若云坐蓮華藏,或云三世諸佛皆色究竟成無上道,並別佛相。若隱前三相,從勝而說,非謂太虛名為圓佛。別佛既云單論,即是隱前二相,如目連不窮其聲等。若《法華》已前三佛離明,隔偏小故,來至此經,從劣辨勝,即三而一,他迷一家所明四佛者,以棄舊譯經論故也。」(T34, p. 163, b7-13)《教觀綱宗》卷 1:圓教「究竟即佛者。妙覺極果。斷四十二品微細無明永盡。究竟登涅槃山頂。以虛空為座。成清淨法身(一一相好等真法界)。居上上品常寂光淨土。亦名上上品實報無障礙淨土。性修不二。理事平等。」(T46, p. 941, c10-14)
- P. 37, L. -4【**像法決疑經**】《像法決疑經》卷 1:「或見如來丈六之身。或見小身。或見大身。或見報身坐蓮華藏世界海。為千百億釋迦牟尼佛說心地法門。或見法身同於虚空。無有分別。無相無礙。遍周法界。」(T85, p. 1337, a8-11)

- P. 37, L. -2【果頭之佛】果頭,即指果上、果地、佛果。四教之中,藏、通二教,就「行人稟教」之「因」位而言,雖有教法與行證教法之人;然就「因成果滿」之「果」位而言,則僅有教法,而無行證教法之人。至於別教,則亦為有教法而無行證教法之人;此係因別教之初地位以上,定入圓教,恰如圓教之初住位,故自初地以上僅有教法而無行證之人。綜此,藏、通、別三教稱為果頭無人、有教無人,唯圓教具足教法與行證之人,稱為有教有人。~《佛光大辭典》
- P. 37, L. -2【前三教果頭佛即是圓教法身佛】《四教儀集解》卷 1:「問:諸經中圓。與此何別。而必須開。方是佛慧?答:圓實不異。但未開顯。初心之人謂圓隔偏。是故須聞諸法實相。若已入實。但論增進。權人至此。一向須開。然此所開三教果頭。從於施權麤迹而說。若論其本。只是圓佛。豈可更開令成玅耶?人不見之。妄生穿鑿。所言開者。三教即是圓玅也。既是圓玅。則無三教。故云廢也。」(X57, p. 552c11-17)
- P. 37, L. -1【尊特即法身】《觀無量壽佛經疏妙宗鈔》卷 5:「華藏塵相及八萬相雖是尊特。三十二相不局生身。何者?以由圓人知全法界作三十二及以八萬藏塵相好。故三品相皆可稱海。既一一相皆無邊底。是故悉可名為尊特。」(T37, p. 224, a7-11)《四教儀註彙補輔宏記》卷 1:「四明約教。分三品尊特。謂法華三十二相。相相無邊。即法身上品尊特。觀經八萬四千。中品尊特。華嚴丈六發起舍那。下品尊特。又約相海分三品。謂華藏塵相。上品相海。八萬四千。中品相海。三十二相。下品相海。」(X57, p. 692, c12-16)「《法華》中龍女讚佛「微妙淨法身,具相三十二」。顯是劣應,以法身具,故相相尊特。是故荊谿類同《華嚴》「一一相好與虚空等」。又《文句》云「一一相皆法界海」,又《妙玄》云「垢衣內身實是長者」,《釋籤》云「即是瓔珞長者」。瓔珞長者豈非尊特?何待現耶?」(T37, p. 224c6-11)